



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-038-2/23**
Datum: **08.02.2023. godina**

«Agencija za vodno područje rijeke Save» Sarajevo rješavajući po zahtjevu pravnog lica „Global Ispat Koksna Industrija“ d.o.o. Lukavac za izdavanje prethodne vodne saglasnosti za ispuštanje tehnoloških otpadnih voda sa lokacije skladišta n-butana u fabrici AMK u krugu kompleksa pogona za proizvodnju koksa, hemijskih proizvoda i energije, na osnovu člana 139. stav (1) Zakona o vodama («Službene novine Federacije BiH, broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev pravnog lica „Global Ispat Koksna Industrija“ d.o.o. Lukavac za izdavanje prethodne vodne saglasnosti za ispuštanje tehnoloških otpadnih voda sa lokacije skladišta n-butana u fabrici AMK u krugu kompleksa pogona za proizvodnju koksa, hemijskih proizvoda i energije, na zemljištu označenom kao k.č. broj: 434/35 K.O. Lukavac, s obzirom da za predmetnu aktivnost nije propisana obveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

Obrazloženje

Pravno lice „Global Ispat Koksna Industrija“ d.o.o. Lukavac zahtjevom bez broja od 31.01.2023 godine zaprimljenim u ovoj Agenciji dana 01.02.2023 godine zatražilo je izdavanje prethodne vodne saglasnosti za ispuštanje tehnoloških otpadnih voda sa lokacije skladišta n-butana u fabrici AMK u krugu kompleksa pogona za proizvodnju koksa, hemijskih proizvoda i energije, na zemljištu označenom kao k.č. broj: 434/35 K.O. Lukavac.

U provedenom postupku dostavljena je i pregledana sljedeća dokumentacija:

- Ovjereni kopija Rješenja o upisu podataka o subjektu upisa u sudski registar U/I-749/04 od 11.05.2004 godine, izdato od strane Kantonalnog suda u Tuzli,
- Ovjereni kopija Rješenja o upisu podataka o subjektu upisa u sudski registar U/I-1619/02 od 07.01.2003 godine, izdato od strane Kantonalnog suda u Tuzli,
- Ovjereni kopija Uvjerjenja o poreskoj registraciji izdatoj od Porezne uprave Kantonalni ured Tuzla od 04.06.2004. godine,
- Uvjerjenje o registraciji broj 04/1-UPP/1-9044/07 od 01.08.2007.godine, Uprava za indirektno oporezivanje Banja Luka,
- Punomoć broj: 1004-01-04/23 od 30.01.2023 godine za uposlenika Emru Halilović,
- Zemljišno knjižni izvadak, ZK uložka 3475 broj: 126-0-NAR-22-004 264 od 14.12.2022 godine izdat od strane Općinski sud u Lukavcu, ovjerena kopija;
- Kopija katastarskog plana broj plana 6 UR broj: 05-26-1-4685/2022-1 od 14.12.2022 godine izdata od strane Službe za urbanizaciju, imovinske i geodeske poslove, Grad Lukavac-ovjerena kopija;
- Mišljenje o usklađenosti planiranih aktivnosti sa dokumentima prostornog uređenja Grada Lukavca broj: 05-19-10/23 od 10.01.2023 godine dato od strane Službe za urbanizaciju, imovinske i geodetske poslove, Grad Lukavac -ovjerena kopija,
- „Studija za izdavanje prethodne vodne saglasnosti za potrebe poslovno proizvodnog objekta, urađena od strane «PPG» društvo za projektovanje i građenje d.o.o. Sarajevo, januar 2023. godine;
- Dokaz o uplaćenju upravnoj taksi;

- Rješenje o vodnoj dozvoli AVP Sava Sarajevo broj: UP-I/25-3-40-615-9/18 od 22.02.2019 godine i rješenje o izmjeni rješenja broj: UP-I/25-3-40-615-11/18 od 02.06.2020 godine,

Na osnovu uvida u Studiju i dostavljenu dokumentaciju utvrđeno je sljedeće:

- Lokacija na kojoj je planirana gradnja skladišta n-butana nalazi se u krugu fabrike GIKIL-a u blizini postojeće n-butan stanice. Lokacija je usklađena sa potrebama Investitora kao i važećim propisima za ovu vrstu djelatnosti. U odnosu na postojeće skladište n-butana, novo skladište je predviđeno sa suprotne strane pristupne saobraćajnice.
- Projektom proširenja kapaciteta skladišta n-butana predviđena je izrada pet rezervoara kapaciteta 200 m³ koji će biti poluukopani. Dio rezervoara koji je nad zemljom biti će pokriven čeličnom konstrukcijom, a prostor ispred rezervoara po kojem će se vršiti kretanje radnika i opreme će biti izveden sa betonskom pločom debljine 20 cm.
- Na predmetnoj lokaciji predviđen je AB kanal za sakupljanje oborinske vode. Dio kanala unutar zaštitne zone skladišta će se zatvoriti (zacijeviti) da bi se izbjeglo nakupljanje eventualno rasutog n-butana u kanalu.

U planiranom objektu neće nastajati tehnološke otpadne vode iz procesa rada, a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).

Pravno lice „Global Ispat Koksna Industrija“ d.o.o. Lukavac ima na predmetnoj lokaciji postojeće proizvodno-poslovne objekte za koje je izdato Rješenje o vodnoj dozvoli za ispuštanje otpadnih voda sa uslovima broj: UP-I/25-3-40-615-9/18 od 22.02.2019 godine i rješenje o izmjeni rješenja broj: UP-I/25-3-40-615-11/18 od 02.06.2020 godine, izdata od ove Agencije.

U skladu sa članom 18. stav (1) tačka 2. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), proširenje kanalizacionog sistema na način da će se dograđeni dio uključiti na postojeći sistema za koji je već izdata vodna dozvola, ova aktivnost ne podliježe obavezi ishodovanja vodnog akta.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 139. stav (1) Zakona o vodama, riješeno je kao u dispozitivu ovoga Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju
Rukovodilac sektora za zdavanje vodnih akata



Haris Ališehović
Haris Ališehović, dipl.inž.građ.

Dostaviti:

- „Global Ispat Koksna Industrija“ d.o.o. Lukavac, Željeznička br.1, Lukavac
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava